

見第二第三層煤兩層相隔只有一尺其質堅色亮燃燒耐久性烈而蒸氣易騰燒燼之灰亦少就目下二十丈深之煤論之可與東洋頭號煙煤相較將來愈深愈美尤勝東洋惟煤產出海銷路較廣由唐山至天津必經蘆台陸路轉運維艱若夏秋水漲發節阻滯車馬亦不足供用因於六年九月議定興修水利由蘆台鎮東起至胥各莊止挑河一道約計七十里爲運煤之路又由河頭接築馬路十五里直抵鑛所其需銀十數萬兩統歸鑛局籌捐非但他日運送煤鐵諸臻便利抑且窪地水有所歸無虞積滂而本地所出鹽貨可以暢銷是一舉而商旅農民皆受其益所佔地畝均照民價購買本年二月興工挑挖五六月可一律告截從此中國兵商輪船及機器製造各局用煤不致遠購於外洋一旦有事庶不爲敵人所把持亦可免利源之外洩富強之基此爲嚆矢據總辦開平鑛務局員唐廷樞將大略情形具稟前來臣查唐廷樞熟精洋學於開採機宜商情市價詳稽博考胸有成竹經理數年規模粗備當夫籌辦之始因事端宏大難遽就緒未經具奏今則成效確有可觀轉瞬運煤銷售實足與輪船招商機器製造各局相爲表裏開煤既旺則鍊鐵可以漸圖開平局務振興則他省人才亦必聞風興起似於大局關係非淺所有直境招商購器開辦鑛務疏通運道緣由理合恭摺具陳伏乞皇太后 皇上聖鑒謹奏

第二宗 司道唐廷樞等稟報設局開用關防文

光緒四年六月

敬稟者竊本司等昨因開平鑛務現經試辦稟請擬刊木質開平鑛務總局關防一顆俟設局

開用以昭信守於六月初三日祇奉 憲台批示稟悉開平礦務有交涉地方及發股份單照等事關緊要應准刊刻開平礦務總局關防一顆設局開用以昭信守仰將開用日期具報查考繳等因奉此在案職道延樞於六月十七日稟辭前赴開平二十二日灤州郭牧奇○赴鄉辦公來平會晤後知地方民情均尙靜謐業經該牧出示曉諭本鎮各鄉知悉二十三日當由職道延樞帶同洋人赴相距開平十五里之唐山並附近各山勘視歷經數日凡所到之山檢取煤石帶回由洋人化出攷究煤質較台灣東洋尙好產亦氣旺惟機器運存蘆台現因雨潦過甚泥淤轍深車難運載稍待晴霽設法運往鑽試後另行詳稟陳請 憲台出奏以期慎重現在開平鎮賃屋於六月廿五日設局卽於是日開用關防附呈印模一紙仰乞 爵中堂俯賜查攷所有設局並開用關防日期理合具狀稟明伏祈 鈞鑒恭叩 勛祺

第二宗 直督李文忠公奏請減輕出口煤稅片

光緒四年

再據候選道唐廷樞稟稱開辦礦局以來購備機器延訂洋匠工司及買地築路挑河經費約共用銀七十餘萬兩成本既重煤價亦因之而昂若再加現定之稅額卽難敵外洋之煤其勢必不能暢銷而關稅亦鮮有實獲與其稅重而少所收不若減輕而多所納中國原定洋貨稅則過輕土貨稅則較重以致華商疲累難與洋貨頡頏查西洋各國通例於外來進口貨稅無一不重於本國出口貨稅無一不輕所以徵外人之利而護本國之商斟酌損益實有至理乃中國初定約時爲外人所朦轉使外洋進口之貨稅輕內地出口之貨稅重不啻抑華商而護